

江華縣志卷之二

建置

城池

公署

壇廟

津梁



國家之事凡以為民也城池以衛民公署以臨民壇壝以庇民津梁亭榭以利賴民而樂易民至於寺觀非關典要好善者或飾為美觀制作莫觀前人覽古者每流連故址修其教不易其俗識其蹟並紀其人是又長民者所宜聽諸民永諸民矣

城池

江華縣志

卷之二

建置

一

城池

舊治在東山北陽華巖南無城池環築土牆明天順六年都御史吳澄巡縣令移置於西北五里黃頭岡包砌以石覆以串樓立東南西北四門上建重樓周圍三百六十餘丈為女牆高五尺厚八尺濠三百一十丈廣七尺深五尺成化間居民稀少獠賊時發因塞西北兩門嘉靖間苗賊犯城擄掠關廂知府史朝富增修外城隆慶二年邑令蔡光復修城之東南隅增廣二百三十五丈高二丈純用磚石完固可守萬曆十一年邑令江光運於西

北隅增廣二百六十餘丈開西北一面濠塹長三百七十餘尺闊七尺深五尺

國初以來兵燹重疊坍塌弗完雍正七九兩年邑合鄭鼎勳先後修葺遂成堅壁咸豐六年邑合郭品珍重修同治五年邑合吳世勳復修

附錄明邑舉人黃廷聘新城記皇帝龍飛之二載廟精圖治勅下銓部曰守令親民厥任惟重若邊圉尤當擇人時宰臣楊氏博祇承休命慎選所與謂楚粵之徽永為重地永州之南江華尤艱故於永而得朝富史公以為守於江而得蔡公光以為合按圖指示諸僚曰吾郡切近百粵率為寇擾而江華懸人兩廣之中被寇尤甚往歲賊屢圍城幾陷者數次廂人悉被擄去今當增展外城吾方難

江華縣志

卷之二

建儲

二

城池

其任而新合穎敏可托乃捐二于餘金俛蔡尹董其役尹乃殫厥心力分任能良啓審一百餘煙而巖雲集鑿山以機運而石飛走下石上巖純灰灌中不土不礫堅如金鑄其廣為仞三百七十有奇其高為尺二十有五有敵樓有馬面有礮基有弩臺內城既得之益固而關廂亦賴以無虞重門擊析暴客庶幾不敢窺矣斯役也經始於二年之秋告成於三年之春倏成兩工弗怨速役而民不擾太守之教邑合奉行之當也余時居春陵聞邑人士道其詳若此太守適屬余為之記因遂書而傳諸石以紀歲月弗文弗工弗計也

公署

凡已廢者俱入古蹟

縣署自明天順六年遷建今地規制具備萬曆十八年邑合俞頤吉重建二堂

國朝康熙八年道州判施埏寶署縣事重建大堂雍正九年邑令鄭鼎勳重修二堂同治八年邑令劉華邦復修

外署

大堂一座

蕭公祠 在大堂右

左翼 承發吏禮戶四房

右翼 兵刑工糧四房

戒石亭 在大堂前甬道中

江華縣志 卷之二

建置

三

儀門一座 三楹

福德祠 在儀門外左

監獄 在儀門外右

頭門一座 三楹左右耳房各一間給總舖司住

照壁一座 同治八年邑令劉華邦增修

內署

二堂一座 舊名陽春堂明邑令俞頤吉題雍正九年邑令鄭鼎勳更名三畏堂同治四年

邑令王起銜改爲勤政堂八年邑令劉華邦重修左門房三間水房一間右廡房一間

西廳事一座

西書房一座三間右廂房三間

弄月軒在西書房前一座三間同治八年邑令劉華邦建

三堂一座三間左右廂房共七間

常平倉在縣署內左共十間雍正六年邑令鄭鼎勳增置三間咸豐間燬於賊今存六間

倉神廟在縣署內左

理務同知署雍正八年自府城移駐建署縣治西嘉慶十九年改駐濤墟道光十二年

移駐錦田新建衙署

典史署舊在縣治大堂右明萬曆三十七年典史蘇冕改建頭門內左旁今在縣治前中為

大堂前為儀門左土地祠右阜隸所堂之西為廳事後為二堂左右廂房共六間最後為三堂

江華縣志 卷之二

教諭署舊不一處今在縣治右同治六年重建前

間

訓導署舊不一處今在學宮後前後三座左側屋三間兩廂渡水各廂房一間

錦岡巡檢署在縣南六十里巡檢薛克中建咸豐間燬於賊今未修復

遊擊署舊在縣治東道光十二年移駐錦田新建廨舍城署改為行臺同治四年移建縣治

西舊地改建學宮

城守署在縣治前咸豐初燬於賊今未復修

嶺東守備署嘉慶二十年新設嶺東營置

萬壽宮舊在縣治右關帝廟西雍正十一年邑令鄭鼎勳建久廢道光五年遷學宮於戎府廢署地

即以前學宮正殿改建同治七年邑令劉華邦重修

申明亭 舊在縣署頭門外左後廢同治七年邑令劉華邦移建南關外

正心義學 詳學

濂溪書院 詳學

秀峯書院 詳學

錦田書院 詳學

三宿書院 詳學

文塔 詳學

凝香書院 在南關外半里許建自道光九年舊係粵東商民義學咸豐初燬於賊同治六年

江華縣志 卷之二

建置

五

公署

年該省士商暨福建江西兩省士商合捐重建更名三聖宮丙奉關帝文帝許真君牌位中設講堂旁立東西二齋以為三省寄籍士商子弟肄業之所八年邑令劉華邦重修邑乘首士奪元廖拔元伍化蛟李慶芳等呈請以三聖宮入志奉批准照原名編入

豫章賓館 在東關外建自乾隆丙戌年重簷復閣

右有觀音堂左有天符青竹二廟並置田壹畝貳十九工叁分舖屋拾陸所以為祭祀修理之費

教場 外二處外教場在東關武廟右

養濟院 舊在縣東康熙八年道州判施挺寶再督縣事重修今在城外考棚側

漏澤園 俗名義塚凡四處一在東門外象山後地名官山嶺一在城西地名長坪邑紳舒崇

崑捐置一在西門外接官坪上並老鼠均名官山一在北門外操廠坪下穀芽塘名官山

壇廟 凡已廢者俱入古蹟

社稷壇 在縣西一里雍正十年邑令鄭鼎勳奉文

尺五寸方一尺埋於壇南正中距壇邊二尺五寸只露圓尖餘埋土中四出階各三級繚以牆

四門紅油自北門入今在南關外

風雲雷雨山川城隍壇 在縣東一里雍正十年邑

令鄭鼎勳奉文建每方廣二丈五尺高三尺石主長二尺五寸只露圓尖餘埋

於壇北正中距壇邊二尺五寸只露圓尖餘埋土中四出階各三級繚以

牆四門紅油自南門入

先農壇 在南關外半里高二尺一寸廣二丈五尺

江華縣志 卷之二

祠三間中奉先農牌位東神庫一間存祭器西神倉一間存藉穀配房兩間西給農夫任東存

辦祭品門樓一座周圍環以牆置藉田四畝九分大小三坵糧五升三合四抄折完餉銀叁錢

陸分坐落縣南南門洞聖帝廟前契買洪安佐之業價銀貳拾兩令農夫耕種每年收租穀捌

石壹斗除籽種穀壹石肆斗外餘穀五年一次照十月分報部量價扣變銀兩除存銀玖兩留

作後五年祭費外俟銀解司

雩祭壇 未建即在風雲雷雨山川城隍壇行禮

厲壇 在縣東北一里

文廟 在縣治左詳學校

武廟 在縣治西前後共五座中為正殿前為八角亭為戲臺為照壁後為三公祠雍正十年邑

令鄭鼎勳增建供帝君三代神位最後左為龍王廟右為佛祖堂為八公祠祀明衛兵隨軍

來江者八人道光二十叁年重修咸豐開兵災
頻仍惟正殿後殿暨八公祠存同治六年邑
民捐貲
重葺

文昌宮

向無專廟舊奉神像於正心義學嘉慶十
八年移供沱江試院大堂後二十二年王

登武等復置香火田貳拾五工又荒田貳塊計
柴工均坐落斷石橋對面地名盤古廟糧穀太

平鄉一甲文昌
宮戶有碑存廟

奎星樓

舊在南關外舊學宮前東南隅天財山頂
雍正十一年邑令鄭鼎勳建額曰飛舞凌

雲嘉慶十八年移供神
像於考棚儀門樓上

乾元宮

在南關外大街
同治七年重建

城隍廟

在縣治右其前廳串堂係邑民楊鯨捐建
康熙五十九年邑令吳道來重建同治七

建置

七

江華縣志

卷之二

年邑令李
海觀重修

龍王廟

舊附建武廟三公祠後咸豐
開燬於賊今附祀於祠之左廡

劉猛將軍廟

舊在南關外咸豐開燬於
賊其基現建申明亭

馬王廟

舊在縣治西同治四年遊
擊羅開榜移建縣治前

忠義祠

在學宮櫺星
門內左旁

節孝祠

在學宮櫺星門內右旁以上
二祠均道光五年附建

黃溪廟

在典史署左祀護國真人
嘉慶開零陵商民合建

天后宮

在東關外半里許係
福建商民客館

聖帝廟

在縣南一里祀盤古帝
舜又亭路村亦有是廟

東嶽廟 在縣東里許臨江頗幽勝歷有脩理同治二年遭粵賊燬於火僅修前座

李衛公廟 在縣南一里 祀唐李靖

龍巖廟 在縣西三里乾隆木重建祀伍將軍

石鼓廟 在縣南五里巖內有石柱下垂擊之聲如鼓

奎星閣 在西河口象山頂咸豐二年建

東植廟 在縣東十里祀漢平都侯相蔣嵩舊志作平都侯誤 節錄永明蔣琛碑記距邑治

之東十里有東植廟建自宋時祀始祖平都侯相蔣公按公諱嵩字崇泰生漢章帝元和二年

乙酉六月二十日寅時卒於桓帝永興元年三月十二日辰時勅葬荆山之陽有御祭碑碣並

石馬華柱諸儀厥後孫枝繁衍散居各州縣俱立廟肖像以祀在道州蔣居鄉者則曰麒麟廟

江華縣志 卷之二

建置

八

壇廟

在寧遠大陽永明馬河者則曰總管廟凡水旱祈禱應若桴鼓邑人士妥備維謹日月既久廟

貌傾圮弗稱瞻仰宗人維正倡捐重建閱兩月工竣而予適至子姪等以記屬予爰述本末勒

諸石俾後來者有所考證云

碧溪廟 在東植廟內唐時勅封雍正三年邑人蔣維正附建

屈公廟 在縣東北十五里祀屈原咸豐八年建

源口廟 在縣東十五里祀銅鐵將軍靈顯最著府志作嶺口廟誤

南嶽廟 在大盤郵距縣十六里同治六年邑紳陳學禮等重建又木園村及小墟汛前俱有

是廟

伍將軍廟 在縣東十六里水東村旁又縣東天鵝嶺之巔亦有是廟其神向傳虞帝南巡

時與銅鐵石三將軍護駕
來此土人祀之屢著靈應

迴龍廟 在赫洞村左距縣十八里嘉慶十
六年建祀關帝是廟各鄉俱建

洞心廟 在上宅洞距縣二十里
乾隆初建祀屈原

源頭廟 在縣西二十里檀木冲
勑自嘉慶庚申年成豐三年邑紳李上喜等重建祀岳忠武

旁建書室同治二年復於左旁建三
聖宮又豐田洞亦有是廟內奉盤古

大神廟 在縣南二十里仙石村祀
石將軍乾隆二十九年建

風憲廟 在劉家塘距縣二十五里
乾隆開建祀雲溪相公

水口廟 在縣東北二十五里明
隆慶四年建祀屈原

魯川廟 在縣南二十五里祀
石將軍禱雨立應

江華縣志 卷之二

建置

九

壇廟

文昌閣 在蕭江灣村右距縣二
十五里乾隆六年建

鵬沙廟 在縣南七十里嘉
慶十七年重修

馬江廟 在縣南七十里嘉
慶十七年重修

忠烈宮 城鄉皆建祀明高
寨營守弁馮國寶

楚田廟 在縣南七十里書裏村下關祀明劉護孫
劉蘭孫孝子劉鍾傑節婦劉李氏嘉慶十

七年重建同治八年劉氏後裔遷建於山畔係
明時本廟故址前人題詠之作猶有存者

龍泉廟 在白泉村明成化十年建
祀盤古龍王伍將軍諸神

精忠廟 在縣西山口舖祀岳忠武建自嘉慶庚午
年同治丙寅年重建左旁設立書室上下

二座為附近子弟讀書之所

青龍廟 在赫洞村左祀真武兩師諸神又劉家塘下蔣村社公灣俱建有是廟

亭子廟 在下車村左嘉慶戊子年建祀屈原

文昌宮 在茶園村道光甲申年邑人蔣崇節等建旁立書室為蔣氏子弟讀書別墅置膏火

田拾貳工被水冲刷僅存田四工又塔岡圍白飯洞前有文昌行宮建自前明同治四年重修

五嶽廟 即古迴龍寺在羅坪村建自明崇正二年同治初邑紳蔣桂青等重建

盤古廟 在萬石村嘉慶初建

大潔廟 在水美村後雍正八年建祀石將軍

將軍廟 在雙湖塘嘉慶十一年建

三教院 在水美村左雍正九年建祀如來五嶽聖帝

江華縣志 卷之二

建置

十

壇廟

迴龍菴 在亭路村雍正己酉年建

都衙廟 在縣東蔣家寨村旁祀石將軍府志作都牙又上眉團源口村下關亦有是廟

岳侯廟 在縣南水晶深嘉慶乙丑年邑紳劉允瑜等倡建

青山廟 在縣西南子福源嘉慶乙卯年建祀關帝劉猛將軍諸神

湘東廟 在平櫟團木山頭神仙營丙嘉慶四年建祀忠烈馮國寶

關帝廟 在白芒營乾隆十五年建

塘車廟 在縣南何德林村建自乾隆癸未年同治七年邑人何德林倡捐重建

嶺下大廟 在上伍堡雙鳳嶺丙奉土穀之神明景泰二年建

九川廟 在且久宿龍口寨坊康熙十年建

仙佛宮

在小墟上半里上下三座規模宏敞內奉文昌關帝及如來諸像對面有奎星樓道

光二十八年建有碑

三聖宮

在大墟守備署右內奉炎帝及昌關帝道光二十六年守備蔡有信倡建

白馬廟

在嶺東斗田洞同治七年建內奉雲溪得道之神

天神廟

在嶺東上眉洞內奉風雲雷雨之神

武子廟

在嶺東書裏村對面洞中相傳明季產麥寨人李武子團練鄉民出力死於匪黨七

十七之難土人立廟祀焉道光二十八年重修

西龍廟

在木園景村下關係楊姓私廟祀關西楊震建自乾隆二十年成豐八年重修

新鑑廟

在嶺東下眉村傍祀關西楊震乾隆四十八年建

江華縣志

卷之二

建置

土

壇廟

界頭廟

在嶺東鄧家村明嘉靖二十五年建。國朝嘉慶七年重修

興隆廟

在秧地山半里咸豐十一年重修祀岳忠武

清淋廟

在上眉團陳家村建自乾隆五十八年道光二十四年重修內祀槃瓠

神農廟

在碼頭舖旁嘉慶二十二年重建

娘娘廟

在錦田神姓封氏生北宋時姊妹三人長金涓次金霞三金鳳父早背事母至孝相

誓不字以代子職嘗偕出采薇於大龍水忽風雨驟至急歸不得渡踞盤石上水暴漲溺死其

屍漂沒不知所止是夜見夢於母明日尋至三

江口得之村人所夢皆同眾以為神立廟祀焉咸豐間粵匪擾境屢著靈應

津梁

東門橋 在東關外

南門橋 在南關外左

七星橋 在南關外

東陽橋 在縣東

通濟橋 在南關外雍正十一年邑令鄭鼎勳重修

龍巖橋 在縣北三里

登厯橋 在縣北五里

新建橋 在縣南五里

成津橋 在縣西五里

姹巖橋 在縣南十里

惠政橋 在縣東十五里

江華縣志 卷之二

建置

十一

津梁

古子橋 在縣北二十里

高橋 在縣北二十里

龍門橋 在縣北三十里上宅

來恩橋 在縣北二十七里

白芒橋 在縣南六十里

清水橋 在縣南九十里

宜政橋 在舊縣

新橋 在縣南五里

永安橋 在縣南九里

龍成橋 在縣南五里

通東陽渡

在正街

在南關外

在縣北

在縣北

在縣南

在縣西

在縣南

在縣東

在縣北

在縣北

在縣北

在縣南

在縣南

在舊縣

在縣南

在縣南

在縣南

折通大街

在縣東

在縣西

在縣西

在縣南

在縣北

在縣南

在縣北

在縣南

在縣北

在縣南

在縣南

在縣南

在縣南

在縣南

在縣南

在縣南

在縣南

上洞橋 在縣北大檻村旁 乾隆初建 下有白牛橋

迴龍橋 在大檻村旁 乾隆初建

邳平橋 在縣東周家寨前 青龍橋 在縣東謝家灣 乾隆五十八年建

神仙橋 在縣南花地灣之下 乾隆四

萬福橋 在縣東斗門廟前

泥橋 在縣南大路舖之上 利濟橋 在縣東六十里 蔣家河眾姓建

治平橋 在白芒營西河石礮

藍橋 在白芒營西一里許石板三

永興橋 在大墟西路

江華縣志

卷之二

建置

十三

津梁

大源橋 在竹子尾宿源口洞

黃亭橋 在嶺東黃亭村里許乾隆二十九年建 凡

長虹橋 在嶺東寶鏡村下里許為大小墟往

恩洋橋 在書裏村礮脚皆天然

秀金橋 在小墟市口二水合流之處建

貓崽橋 在勾掛嶺十三灣之下 通嶺東西

永濟橋 在大墟之上 半里乾隆五十五年鄉民會

孫冠英獨捐重修

沖口橋 在嶺東大源沖口嘉慶二十四年村人

馬鞍橋 在嶺東安林寺前乾隆初建

石板橋 在嶺東山脚村嘉慶五年建

接龍橋 在大墟西門外嘉慶三年建

東陽渡 在縣東一里

西河渡 即古新建渡在縣南一里河口舊有木橋嘉慶十七年邑紳唐海等倡建二十四年邑人劉鍾漢改建石橋道光十九年被水衝圮今僅存一礮二十二年邑紳徐琳楊振楚等捐

沱嶺渡 在縣南四里浪石寺上置田拾伍工以資渡夫工食

江渡 在縣北五里

赫洞渡 在縣北十六里

古子江渡 在縣北二十里

江洲渡 在縣南二十里黃茅嶺村前道光年邑紳伍功卓倡建置義渡田三十餘工

緱山渡 在縣南緱山村前距城二十五里邑廩貢生楊向廷捐田二十工給渡夫工食

朱家渡 在縣東北二十五里

殷家渡 在縣東北二十七里

石榴灣渡 在縣西南三十里

三父河渡 在縣北三十里

界牌渡 在縣東三十五里

萬興渡 在竹園寨距城十里

蓮山渡 在白芒營十三村蓮山觀前嘉慶二年建後廢咸豐十一年邑紳彭徽五倡修渡船

置田三十二工每年收租一十六石
四斗以作歲修及渡夫工食之費
三 江渡 在碼頭舖上有三岸通小錫大錫入廣西一岸
在通沂村河洞為三
在匯流之處故名

江華縣志 卷之二

亭閣

共濟亭

在西河口新建渡隔岸乾隆五十六年建

烈行亭

在縣東里許螞蝗塘下嘉慶十七年邑人鄧茂義倡建

良止亭

在縣西二里連山橋之上嘉慶戊辰年建

利行亭

在縣西三里橋之上乾隆癸丑年建道光乙巳年重修旁有井味甘冽行路便之

廣濟亭

在縣東三里

知止亭

在縣北七里雷劈石下

吉安亭

在縣東八里江渡北岸乾隆四十八年建

白鶴亭

在縣北九里蝦蟆石上乾隆二十七年建

福壽亭

在縣東十里安樂寨西嘉慶七年建

靜遠亭

在縣東十五里

樂仙亭

在縣南二十里神仙橋畔乾隆五十六年建

江華縣志

卷之二

建置

五

亭榭

萬善亭

在縣東二十五里殷家渡北岸乾隆三十七年建

採芹亭

在縣南三十里五里營之下乾隆四十三年建

臨淵亭

在縣南三十五里道光甲辰年移建石欄灣渡南岸

集福亭

在縣南四十里蒲塘凹咸豐元年建

暫息亭

在錦岡平標橋乾隆三年建

長安亭

在錦岡大盤山道光五年建

玉泉亭

在錦岡金被坪距縣四十里乾隆五十八年建

集義亭

在錦岡鵝塘坪距縣六十里乾隆七年建

樂善亭

在竹子尾宿咸豐三年建

翠雲亭

在嶺東秧地山下咸豐六年建

迴龍亭

在江藍廳城南三里咸豐十年重建

聳翠亭

在嶺東高寨村後道光二十年建

三义亭 在嶺東三甲口大路 道光二十三年建

善義亭 在嶺東善義祠 前同治六年建

水閣樓 在縣東北古子江 村乾隆四十年建

寺觀

報恩寺 即新建寺在縣南里許明天順時建舊名法隆寺每朝賀習儀於此萬曆閒住僧與

浪石寺 浪石寺僧爭田邑令劉時徵斷分田八十五工又贖回香火田壹百工嘉慶十三年重修

浪石寺 在浪石旁唐寶應元年建宋蔣永雄說法於此明宣德閒重修萬曆閒住僧與報恩

寺僧爭田邑令劉時徵斷分田八十五工有碑康熙三十二年本府同知史在鑛署縣事重修

乾隆五十年重建今祇存前殿 宋鄉貢進士李起棻大士塔記大士金剛身踰二百載其裔

江華縣志 卷之二

建置

共

寺觀

孫雷發等一新塔廟以宅之且創始立虞帝普法王佛周侯像碑具述其顛末而碑之謹按大

士姓蔣名永雄父諱友期母唐氏世居江華之三華宋熙甯甲寅二月念六日乃誕生之日始

有室家而育兒女本與人同洎長孝父母睦兄弟較與人異及其月持十日之齋日誦金剛之

典懶繫囚而寬其械祝池魚而捨之溪則動與世俗不侔居邇舜祠常葺廟貌尊奉香火偶一

夕神僧下降自稱普法王佛謂大士十世有修行之舊今生屆圓滿之期付以穿珠經訣俾密

誦勤行屬時抑釋崇經乃披道者服冠武侯巾不以形出家而以心出家崇甯癸未五月初八

日豁然有得頓離俗舍就浪石寺立壇說法有經書八本偈頌百餘迨丙戌三月初十日則盡

燭火食時啖果實五月二十五日留偈別寺預言月盡日值庚申當歸元處里有姓嚴更名寶

仙石柱上高接巖頂乳芝環簇中開一窩隙光穿漏正照於此大士以念九日即巖漱泉陞窩

跌化厥後迎歸於寺自昔迄今屢臻靈異弗可
勝紀而抱送之祥尤其彰著曾留日出江華照
永明之頌至濠熙開金華周鬯來宰斯邑乃合
日華二字為其名念民稅重奏乞照永明額獨
減旋以得旨以此知其為後身無疑初僧道誦
刻經錄頌開有未喻或疑其編誤及此頌之驗
然後信佛理非關文字甯知非江槎玉浪頭上
養親之類矧今雷發既成新塔而奉真身隨有
巨竹一莖正苗龕後長枝四垂作華鬘狀塔基
土石堅燥觀者嘆異蓋嘗味大士偈頌惟以阿
那舍自處今自利利他善應非一是其光明精
進有非第三果之可倫儼方將與眾生同一依
賴於是申之以辭曰三華今鄰九疑偉大士兮
心香舜祠指穿珠兮逢聖師鐵脊梁兮生雲芝
來金地兮二百禩於茲證如來果兮福慧過之
裔孫兮撐宇拓基竹萬龕後兮隨現神奇讚嘆
兮斷豐碑就重華兮嗽詞願能仁兮輔皇化之
無為今而後分溥寰宇之雍熙皇慶二年歲在

建置

寺觀

江華縣志 卷之二

七

癸丑五月吉日前鄉貢進士李起棻記並書
雷發等立石嗣香火僧法奇福開悟證如浩性
蘭塔下頭陀蔣震選明通判周子恭詩大士
何年去曇花尚爾新遇緣徵夙慧不朽見天真
寂靜知禪意空冥想化人重來日華老更現宰
官身野寺留一度閑情過半生里中有真社
市外莫迷名兩兩同心侶嘻嘻識面僧行談各
任意爾我頓忘形。明邑令蔡光詩浪石千年
寺巖頭大士家不知南面樂懶種北籬花龜鶴
悠悠在蟬蛻處處賒蒲團枯坐老空爾讀南華

永興寺 在縣東十五里乾隆二十一年
普光寺 在興德鄉元至正開建明宣德時修嘉慶
十五年重修舊有常住田失業明邑合劉

時徵斷
回有碑

興福寺 在縣南
從化鄉

彌勒寺

在縣南五十里舊有近民施田壹百貳拾

勒寺田記古松僧瑞秀遺其嗣寶峯僧悟住持

寺田記需一語以標其首余謂寺之田曰常住

者常則不變住則不動寧如世俗之甲乙互售

者乎是則一無窮也今又壽之堅珉俾千百萬

世昭然可考寧如世俗之藏券於篋者乎是又

一無窮也今而後嗣吾鉢者念積累之勤勞能

牽為山之牯耕堅牢之地攜老盧之稷節石霜

之米熟之以寶珠之火盛之以無心之椀俾恩

敬悲三大福田世世成熟是又一大無窮也其

以此刻之至元甲午春前兩試蘭省亭山老逸

李起 茶識

馬江寺

在縣南七十里 嘉慶十年重修

觀風寺

在白竹塘蘆井洞坊內奉關帝 咸豐七年建置香火田三十工

江華縣志

卷之二

建置

六

寺觀

南宗寺

在旦久宿飛鼠山下坊內祀觀音 乾隆十年建置香火田伍拾工

大有寺

在旦久宿烈灣下關洞坊內奉觀 音道光二十年建置香火田叁拾工

西彌寺

在竹子尾宿源頭岡坊康熙四 十八年建置香火田五十工

樓子廟

在竹子尾宿湖江坊祀 土穀神置香火田四十工

迴龍寺

在大墟西路半里道光十三年建山 門外溪水繞緣羣山送青亦勝境也

鎮山寺

舊在嶺東頭巾山上嘉慶十八年移建山 下寺右有書齋一座十閒道光十年建有

碑

迴溪寺

在嶺東冷溪洞乾隆二十四 年建嘉慶戊午年重修

水口寺

在觀音山村下一里乃嶺東三段關鎖水 口之處建自雍正十年嘉慶二十五年重

修前江後嶺翠柏蒼松環繞四面
極清幽之勝村人多肄業於此

安民觀 在穿巖口牛里內奉真武之神嘉慶二十四年建

古蹟 凡已入建置者不錄

馮乘縣城一統志漢置在縣西南鄭志在縣西南

七十里富川縣馮乘市攷富川縣志不載馮乘

市名其古蹟志云馮乘縣漢置界內有馮溪故

名今縣東三十里勾掛嶺一殘碑字蹟蒙晦僅

存德慶府三字相傳即舊治 按府志勾掛嶺

在縣南七十里與舊志馮乘距縣道里相當馮

江華縣志

卷之二

建置

充

寺觀

乘舊治疑在江賀富三縣之交

馮乘侯國南北朝宋封域 封建姓名未詳

江華縣舊治唐武德四年析馮乘地置一統志今

縣東南元和志縣南七十里舊志唐初設縣在

伍堡之地後遷於寒亭北陽華巖之江南故名

江華 案元和志縣北至永州百十三里九域志在州南九十里殆移置遠近異耳

江華鎮守所古城一統志洪武二十八年析甯遠

縣衛置右千長戶所建城於今縣治隔江之東

天順中縣治遷黃頭岡合縣所為一城

錦田所城在縣東南百八十里省志作西南誤洪武二十

九年置守禦千戶及巡檢司宏治閒副指揮使

馬鎮都司王震重修

國朝康熙二十七年裁所並廢

沱洞城舊志縣東北水路二百二十里顧景范方輿紀要施

沱城舊稱在縣東北二十里未知所據舊經作池洞城或譌作施

洞不知始於何代按舊志稱縣東水路至錦

田二百五十里與此遠近相當又與水路合或

卽錦田砦之古名抑江華有沱水沱洞指水而

江華縣志 卷之二 建置 古蹟 三

言沱水出上伍堡伍堡為唐時舊治則又似古

縣城也附識存疑

布政司分署在縣治西明萬曆三年邑令杜漸建後改為守備署並廢崇正五年邑令

彭弼薇以其地改建學宮

右千戶所署明洪武閒建

守備署詳布政分司署下明邑令蔡光有守備司記永道守備原駐道州天子改元之次

年歲戊辰正月苗賊寇江華所過焚掠殺擄勢甚張太守史公禮齋憂之乃請諸當道移守備

以協守居此職者黃州衛指揮胡恩也初到儼居甚褻史公又謀諸當道請卽分司遺址建廨

居之斥費約一百六十金始工於隆慶三年八月初八日落成於次年二月初二日大門戟門

正堂兩廂寢室廚庫為屋凡二十七間既成胡
子居之未數月遷都司僉書人皆曰胡之遷
之祥為之也豈其然哉昔王子禹偁題待漏院
記有曰相之賢者合聞廣布福澤無窮非幸也
自取也相之不賢者放逐誅戮遺臭萬世非不
幸也亦自取也然則道州之守備一也戚姓者
居之而獲戾胡子繼之而若此非有幸不幸戚
暴而胡仁故也然則官之興敗存乎其人之賢
與否而不在於所居也後之居此者可不以胡
子為法而以戚人為戒哉且天下有好戰之臣
有不忘戰之臣好戰之將恆恐天下無事而已
不有功不忘戰之將惟恐天下有事而已無全
策胡子在官謹守日戒而地方稍安蓋不忘戰
之臣也然則居此廨者可忘戰哉

錦田巡檢署

在縣東二百五十里明
洪武開巡檢王思進建

濤墟市巡檢署

在縣南一百里明洪武十三年建
隆慶四年邑令蔡光申革今廢

江華縣志

卷之二

建置

三

古蹟

府館

在縣治東明永州府判周子恭有記江華
界於兩廣諸獠獠為邊患議者請建置府館

以通判住劄往來道州甯遠永明各州邑經界
邊務馭茲獠獠是議建於嘉靖辛丑七泉子於
是八月二十七日抵永州府遂以九月十六日
臨江華江華之有府判住劄自七泉子始也或
曰江華陋子蓋無居或曰江華瘴子居蓋慎之
或曰江華多寇患在心膺諸獠獠勦之不可撫
之不可子居蓋難之七泉子曰吁有是哉何謂
江華陋子居九夔不以爲陋謂江華陋者謂賊
郭編小生理稀鮮舉目寂寥茅屋數椽陋止於
斯乎吾取以爲清心寡欲之助可矣即使多石
都巨府雄藩重鎮民居如麻市聚如山然使廉
吏曷之可取一介乎然則又何辨於陋不陋也
何謂江華瘴北寒南瘴天地之常也京師嚴寒
巨凍飛塵走沙三五月往往中寒疾五日不汗
卽死然而朝士爭趨之者名利之所聚也使南
瘴之地爲名利之所聚如京師安知朝士不爭

里曰江華其地南接五嶺北控三湘為楚窮邊僻壤俗兼蠻左而乘文教合茲土者遲遲不能宣德化而山民亦蚩蚩然不知合之誰為我德也雖甚循卓湮沒不彰歲庚午余奉命蒞湖南適憲副元素朱公與同事慨然有闡揚風化意越明年辛未冬前江合陸公祠成郡守金以其事聞余慨先生之治行久而彌光且喜江人士能表彰前嫩構厥棟宇飾厥丹青坎坎擊鼓歲薦蘋蘩衣冠裸脊而走先生祠下彷彿庚桑畏壘之遺非猶曩日之蚩蚩而忘乎政教之澤者矣昔子產亡而宣尼泣其遺愛隨武沒而趙文懷其餘風余縱不文忝屏藩之末何辭揚於以旌往績曷有位按陸合諱隆恩吳郡常熟人也父名潤舉成化丙戌進士歷官温州刺史以文章吏治有聲吳越間崇祀名宦先生登宏治壬子鄉薦授浮梁令強項不阿自求改調涖江者四載美績史不勝書大畧如定豸燹之警則三宿胥聽其招徠葺黌宮之頽則奸民無所容其

建置

古蹟

江華縣志

卷之二

三

隱占婚姻以時而古禮是訓則標梅寂不聞謠也適子之館而受之以餐則周卿因以登第也覽遺烈而遡芳標雖古循吏何以加茲夫何賞不酬勞位不配德晉幕寮轉離運卒之日遠近聞而惜之固宜甘棠之愛至今勿翦也雖然江之人以祀先生者報先生而天之所以報先生者則不僅在先生之身也先生有孫名一鳳以鄉薦守貳泉祀名宦亦猶先生之在江與先生之父之在溫又得平陽公與今韻撫公先後濟美光大先生之烈其勳名未可涯量余又安知食先生之德而崇其報者不猶之江人而胥汀部柳桂閒承先生之慕於無窮也哉是宜祀先生而遡及溫泉兩公以昭世德余既承乏茲土又夙餐輿誦於邱里者也故不辭而為之記按舊志縣城圖載西關外有俞陸二公祠當是萬曆開邑人附祀俞頤吉於此而更其名然頤吉俞江後隆恩八十五年即係後人合祀亦當曰陸俞二公祠不當曰俞陸二公祠或另係頤吉

專祠而附以國朝邑合陸子細未可知也附識存疑

劉公祠

在東關外見舊志縣城闕未詳所祀然以政蹟考之當是祀明邑令劉時徵

烈女祠

為趙尚貞立在府館後尚貞死於苗寇隆慶時邑令蔡光申請旌表闕其家並建祠

祀之明末祠燬重建於學宮右雍正五年國朝康熙癸未邑令李地

祠同治五年因移建學宮以其地兌給左營今縣前馬王廟即其故址明邑令蔡光有

碑烈女姓趙氏名尚貞太平鄉民趙志倫女也母蔣氏家世業畊女雖出自農家自幼警敏每

夜必篝燈親女工聞弟文珊讀孝經即能默識仍與弟講說其義遂能識字父以縣所頒諭民

歌粘於壁閒讀至婦職婦德之條必拱手曰女出不當如是耶居常惟中饋織紉是務足跡不

出閨門隆慶壬申父母許聘里人胡氏子時年十八歲字有期矣富川苗寇邑前曾掠其弟詢

江華縣志

卷之二

建置

古蹟

其姊賢而慧遂欣然慕焉於本年九月二十三

日率眾突至其家擄尚貞去賊驅牛使乘尚貞

義不辱身罵賊臥地不起賊繫其頸拽以行仍

截髮恐之罵不絕口伺閒抽賊所佩刀斷其肋

賊驚怒甚且恐官兵至遂斷其手足支解以洩

忿嗚呼仗節死義此可責之於烈丈夫而婦人

女子未足與幾也尚貞固未聞道者乃矢志不

污即白刃不違恤詎意農家女而天植其性一

至是哉其扶持世教者遠矣予自蒞任之初即詢得其事為之慨然歎因憫其湮沒無聞也特傳其由申請院道蒙督撫李公題奏俞允給銀旌表其門額其家貧窶無有承之者予乃鳩工擇地建祠三楹另為門一座於倉之右仍將所餘銀買田六工以需春秋祭享並修葺祠宇之資既成詳載其事勒於石以垂不朽按舊志載明邑令俞頤吉撰攷之官表頤吉後光二十

年此文云本年事斷為光作無疑邑貢生陳大啓重建烈女祠碑天地閒正氣忠孝節義與

日星河嶽並永而節烈
真而無所為偽有不
致命遂志則咸以為
風化是敦祀典宜及
葬好德之同而時其
有司維持風化之事
光也邑明季烈女趙
如結聞其弟之讀書
及觀官領條諭以為
性誠有大過人者夫
刃而死不屈故懼之
時邑侯蔡公嘉其志
祠於西關之外郡守
名遂昭昭於天壤閒
至明末盡燬因移奉
遷於坊開荒廢土地
命祀也癸丑春邑人
出於閨秀其發自性
諸博洽經史者極之
是而因以成其是也
祠而永奠之者固乘
益以見節烈之者則
尚貞者慧質夙成香
然識其辨且時得其
人之道宜如是此天
年十八為賊所劫尚
而叱之愈厲其奪賊
之怒速殺以自全也
其事聞奉文旌表並
公弔之以詩而烈女
顧時移歲易漸以傾
主於趙氏之家堂近
內甚非所以妥貞魂
謀所以新之請於邑
建置

江華縣志

卷之二

三

古蹟

李公公喜其先得乃心也捐廉為倡遂移建於
學傍之隙地至秋落成遷木主祀焉祠之前建
立義學匪惟藉為藏修地也亦欲學者曉然於
忠孝節義之同歸咸慨然奮興以自立於天壤
開無為烈女子
所笑則得矣

鄭公街 卽今縣署前大街 雍正十一年邑人為縣合鄭勳建

承流坊 在縣治左 宣化坊 在縣治右

金聲坊 在舊學左 玉振坊 在舊學右

撫字坊 在縣治前 中正坊 在縣治西

迎恩坊 在縣治南 鸞宮坊 在縣治西

登瀛坊 為歐謙立 三雲坊 為楊紹宗立

皇都得意坊

為蔣瀨立

解元坊

為劉謙夫立

喬梓聯芳坊

為周鄉周庠立

節孝雙壽坊

為節婦劉李氏孝子劉鍾傑立

太平橋

見宋邑尉杜汪酌別寒亭題名

赫洞村浮橋

道光己酉年建成豐開燬

迎恩樓

在西關外見舊志縣城圖

書樓

在縣署後明邑合俞頤吉建

思政樓

在縣署後明邑合俞頤吉建雍正九年邑合鄭鼎勳重建更名九思樓

四詠樓

在縣城南門上康熙二年冬予至遶西山之役及還粵寇乘閒竊發環城數十里行旅幾絕其遠鄉

之洞殘可知已巡視山城斗大東南二門傾頹積久非急修建烏保無虞而俯念哀鴻載道兵荒洊臻予復以州篆苦累奄忽二載之間曳瓦長塗幾踰強半乃幸

恩綸

暫就放回城頌益甚腐樞莫轉門卒告予日邊

建置

江華縣志

卷之二

三

古蹟

境多虞奈何父老以修門建樓請予曰民亦勞止工費浩繁將焉措此父老曰年來幸賴撫恤一切軍興與民捐輸今民敢不効臂指予欣然謝曰有是哉殆不可不日成之也命匠度高廣取材木遠近子來不旬日而隄棟凌雲赫然壯觀父老醜酒前酬曰微侯之德不及此予曰非也凡物之成敗廢興雖有人焉而其所以成敗廢興者天也古之君子素位而行無可不可得不足喜失不足愠敗或時以爲非成何敢居以爲功子曰不怨天不尤人下學而上達知我者其天乎旨哉聖人之言於我心有感焉予去歲被逮星沙非邀天之幸恐此身瞻烏誰屋且何有於城樓然則斯樓也其至今過予而始建良非偶然而予之半生偃蹇乃今落成得與爾諸父老優游談笑於此開又豈偶然也哉吁嗟聖賢得志行道軒幪於四海與麗九州何乃藉此一城慰厥父老雖然天下雖大猶一家也萬民雖衆猶一人也每劬勞鞅掌念江民因厄無極今登

樓起視無大無小欣欣喜色嗣者極負來梯百堵皆作四時康燕含哺鼓腹安知不自斯樓筆之耶吁嗟其斯可以慰吾民寄吾志也歟與酣茗筆遂成四詠並以名樓

五層樓 在豸山巖之腹

旌善亭 在縣署頭門外右傍

永思亭

在縣治前鄭公街為邑合鄭鼎勳建

桂花亭

在縣治前建置年代失攷

月馨亭

在縣署內雍正九年邑合鄭鼎勳建

明御碑亭

在報恩寺

寒亭

在縣南隔江三里暖谷上唐邑合瞿合問建松陰匝地溽暑登之亦寒巖壁刻道州刺史

元結記並序永泰丙午申巡屬縣至江華縣大夫瞿合問咨曰縣南水石相映望之可愛相傳

不可登臨俾求之得洞穴而人又棧險以通之始得構弗亭於石上及亭成也所以階檻憑空

下臨長江軒楹雲端上齊絕頂若旦暮景氣煙靄異色蒼蒼石壙含映水木欲名斯亭狀類示

江華縣志

卷之二

建置

三

得敢請名之表示來世於是休於亭上為商之曰今大暑登之疑天時將寒炎蒸之地而清涼

可安不合命之曰寒亭與乃為寒亭作記刻之亭背 宋邑合黃潛記寒亭始於唐瞿合問而

元次山命之名其刻存諸石壁備矣以寒亭棧木朽橈至者危之元豐三年僧契宗請完之主

簿趙世卿綠崖發石易穴路得逕以登於層巖取廢材作二亭曰清勝摩雲由是遠極物象

新舊觀矣上復修合宮大禮之月合黃潛記邑尉杜汪集杜工部句詠寒亭詩湖南清絕地

長夏尙為情六月風日洽炎天冰雪生蓬萊如可到心跡喜雙清 郭軒楹傲幽居不用名

又汪子子是重修棧道記山巔木棧自元豐開趙公世卿沿崖發石易穴路得徑以通嘉熙已

亥熊公桂伐石以成梯級然功尙欠缺吾父子既新寒亭自馬石穴磴以下礮者夷之隘者廣

之險者安之仍以石為柱以竹為闌雖八九十老翁亦得手拊而上是徑也誠唐文之三變歟

江華縣志

卷之二

天

摩祐癸亥秋 定杜子是書 又集元刺史句
 詠寒亭詩長山繞井邑 嶢嶢天外青煙雲無遠
 近水石何幽清牛崖盤石徑如見小蓬瀛時節
 方大暑忽若秋氣生高亭臨極巔登高宜新晴
 俗士誰能來野客照清陰漫歌無人聽有酒共
 我傾時復一回望心自出四溟 徐翰題杜汪
 新建寒亭詩山水因人勝窮搜喜得君石根瞿
 合字亭背次山文湍急堪臨釣松陰可避曠相
 望餘一舍猛意杖挑雲 又杜汪酌別寒亭題
 名元公以寶應癸卯刺道州永泰丙午巡江華
 為寒亭作記杜汪以澤祐癸卯復舊亭而益新
 景丙午春杪畢工時與事相符如此考滿東歸
 泊舟於太平橋下登亭酌別授筆以書子是子
 恭同侍 道州刺史盛祥詩寒亭如鳥翼黃葉
 滿增除隣屋急砧杵田家息犁鋤浙歷西風慘
 依稀古本疎菊放雨收後鳥驚月上初亭空秋
 氣肅燈火夜光書 何文俊詩靈巖如屋山勢
 雄寒威凜凜神龍宮洞門深處軒檻窄一灣流
 建置 占蹟

水涵青銅壁開墨迹酒珠玉 山昔遊題空谷
 縱然九夏熱如蒸纔入亭中秋氣肅 國朝
 邑合鄭鼎勳詩草草寒亭倚碧峯孤高直與太
 虛通沱江如線城如斗盡在憑欄一望中 嘉
 慶間理猗郡丞李邦熒遊寒亭記寒亭去江華
 縣南五里唐永泰中縣合瞿合問愛其水石相
 映求得洞穴作棧階以登構亭於巖端元次山
 刺道州行部至縣遊其地命之曰寒亭為文記
 之磨巖亭背元明以來以徑險遊者罕至數百
 年來委之荒榛叢莽更無過問者為可惜也余
 前歲來此未及登覽今年復來決欲一遊以為
 快遂於暇日出南門渡西湖循馬鞍山而南抵
 蔣家山仰視峭壁突兀壽藤古木蟠曲其上閒
 有迸根石罅者厯仄徑有大石向人欲壓前人
 題云小飛來石以擬靈隱之飛來峯有以也從
 山盡處忽轉入巖腹梯磴而上復得絕壁數百
 尺前廣數弓乃寒亭舊址壁上即次山寒亭記
 剔去積蘇讀之沿崖多唐宋人題名半已剝蝕

未及徧識迤西有洞呀然為宋尉成紀李伯英
所開暖谷復由石罅微徑而上地可十笏厓旁
篆文曰空翠亭乃紹興中邑令曹南董峒所建
厓陰青峭虧蔽炎曦四圍多松竹環厓當暑亦
寒斯可信矣因書來遊歲月於壁○又詩綠厓
逕蒙密側足躡石隙壽藤十丈懸古木干尋直
峭壁青不斷崩崩少梯級當年髀大夫危棧於
此設直從厓縫中陡闢煙雲宅如何數百年遺
踪渺無跡迤南小飛來石勢更突兀低首不敢
仰恐有紋斷裂○道州拔貢洪廷揆詩置身絕
頂倚欄杆一覽真令眼界寬我本
素甘經舍冷到來此處不知寒

清勝亭

在寒亭側見宋邑令黃潛重修寒亭棧道
國朝永明蔣琛詩絕磴盤雲曲孤

亭傍水開風光誰似昔客意獨登臺日照干峯
翠煙消萬嶺回次山清賞後幾為破蒼苔

摩雲亭

據宋邑令黃潛重修
寒亭棧道記增入

建置

江華縣志

卷之二

完

古蹟

小飛來亭

在寒亭暖谷開宋道州郡丞楊長孺題
額並作二絕紀之今錄其一有序江華

縣前寒亭暖谷開其絕壁棧道朽腐欲登弗果
徘徊其下水石崖樹清竒可喜甚似天竺靈隱
之間有亭未名予以小飛來匾之並賦二詩陰
森古木石心栽清徹寒亭鏡面開斗起孤峯三
百尺從今喚作小飛來又郡丞周顛跋東山
楊先生昔為郡丞行縣臨流賦詩越四十載顛
復丞於此訪諸刻未之見因冰壺孫李焯錄示
輒命工勤於先生小飛來字之左涪佑癸卯同

里周顛
謹書

清音亭

在江南沿岸
二十步許

思來亭

在陽華巖側唐元次山題有思來之意
國朝邑令鄭鼎勳詩攝衣登寒峯峯勢

多竒狀白雲翠亭申拍拍如積浪徑深竹轉密
松冷右傍曠遊賞實瀟灑野步得疎放日暮下

亭時泉清
空蕩漾

朝微亭

據宋邑合安珪陽
華巖圖記增入

空翠亭

在陽華巖西宋紹興中邑合
曹南董岫建京兆游何篆額

文昌閣

即迴龍閣在豸山巖之壁上臨流倚石古
木蒼蔚為邑勝區咸豐間盡燬國朝

邑合林調鶴題迴龍閣詩凌虛傑閣瞰平原此
地凭欄遠市喧江折欄迴留地脉沙依岸聚護

雲根干巒送翠因晴合百雉浮烟入暮繁為愛
登臨斯較近琴心好共水山存邑合鄭鼎勳

詩雲影渡江來憑欄亦快哉山巔綠樹滿水底
白花開風勁簷鈴瀟霄巖畫角摧從天觀倒影

鏡裏湧樓臺○百尺憑高勢撼空巋然獨擅楚
南雄飛堯隱見層霄外積翠紛披碧落中誰點

滄洲凌浩淼還望姑射出空濛湖湘况值澄清
日臨眺惟瞻列宿功嘉慶開邑合王玉輝詩

江華縣志

卷之二

建置

三

古蹟

山城分地脉到此作迴龍孤閣依巖陡雙溪鎮
水衝帆檣來遠浦耕儘徧春農茂對熙熙象憑

欄豁我胸案王玉輝詩府志別載迴龍樓下
江邑並無此樓而本詩中聯有孤閣依巖陡云

云其為豸山巖之迴龍
閣詩無疑茲特併人

呂祖閣

在豸山巖之側咸
豐開燬於賊

觀音閣

在豸山巖之半雍正開重修邑庠
生謝景安作記咸豐開燬於賊

浮嵐閣

據宋邑合安珪
陽華巖圖增入

淮南王子廟

元和志在縣南七十二里荆州誌淮
南王被誅其子奔至此化為石今名

東塘
神

杜母廟

在縣西關外
久廢有碑存

薦福寺

未詳所在與地碑記有唐周魯儒碑

志人物門載周魯儒明月山人太和間進士

官員外郎知制誥博學工文通達治體今存江

華雲巖寺記云云此薦福寺碑疑即甯遠志所

稱雲巖寺記而舊志未錄其文無從攷定按

舊志載從化鄉有興福寺縣西有龍巖廟薦福

雲巖或即此二刹之舊名附識存疑

奉國寺建置時地失攷有來邑令蔡周輔晚飲陽

伊始遵令勸農於奉國寺親勉鄉老服田力穡

為務勞之舉民皆感悅晚過陽華俯空伺跨浮

梁聽鳴玉薦芳醕既醉而歸同僚李仲保唐元

經邑士何時澤蔣澤萬李穎士鄧致道寓客羅

國華紹興庚午

春七十有一日

重元觀在縣東南五里獅子巖側明景泰時建咸

豐初燬明學訓周采詩芳草連天碧

建置

古蹟

江華縣志

卷之二

三

四圍蹇驢乘興設追隨白鵝泛水拖清練綠蟻

浮林映翠微鐘磬數聲雲寂寂松篁幾樹鳥飛

飛而今直與吾儕約不寫黃庭不醉歸邑人

陳楚材詩信步尋芳踏勝邱煙霞深處任遨遊

遠山列畫雲中見活水拖藍檻外流筆寫黃庭

追往事杯浮綠蟻釀春愁醉來豪興無邊大萬

里乾坤一縱眸

迴溪翁故宅

在迴溪傍唐張子厚故居

白芒營

秦置萌渚之戍即此處